



Inatsisartut

Aningaasaqarnermut Ataatsimiititaliap
Finansudvalget

Ulloq/Dato: 3. maj 2010
J.nr.: 01.31.06/10-00472

Aningaasaqarnermut Naalakkersuisoq

Aningaasaqarnermut Ataatsimiititaliap suliaq nr. 01.31.06/10-00472 pillugu sisamangornermi ulloq 29. april 2010-mi aalajangiineranik Naalakkersuisunut ilisimatitsineq.

Suliassaqarfirmut 80-89-imut oqaasertaliussanik allannguinnessaq

Naalakkersuisut **inassutigaat**,

- suliassaqarfirmi 80–89-imi, Sanaartugassanut iluarsaassinernullu tunngsumi, kontomut pingaarnermut 89.72.11-imut, Nammineq inissianik tapiissutitalimmik sanaartornermut tunngasumut, kiisalu kontomut pingaarnermut 89.72.12-imut, Taartaasussanik sanaartornermut tunngasumut, oqaasertaliussat ilanngunneqartut 2010-mut ilassutitut aningaasaliissutitut inatsimmut ilanngunneqassasut

Aningaasaqarnermut Ataatsimiititaliap oqaaseqaatai

Illuut A/S-ip ingerlalerterata kingunerisaanik oqaasertaliussat arlallit allanngortinneqarnissaat Naalakkersuisunit qinnutigineqarpoq.

Tamanna makkuninnga apeqquteqarnissamut tunngavissiivoq.

1. Kontomut pingaarnermut 89.72.11-imut, Nammineq inissianik tapiissutitalimmik sanaartornermut tunngasumut, oqaasertaliussami nutaami nr. 7-imi allassimavoq nammineerluni akiliutissat taarsigassarsiallu annerpaamik 10.725 kr.-it Naalakkersuisut akilersinnaagaat. 2010-mi aningaasanut inatsimmi aningaasat taakku 9.550 kr.-iinnaapput. Taama assigiinngissummut suna pissutaava?
2. Oqaasertaliussaqaamma taanna malillugu sanaartornermi akiusup katillugu 55 procentia (50+5) pisortanit tapiissutigineqarsinnaasooq taarsigassarsiarineqarsinnaasorlu. Sanaartornermi akiusup sinnera aningaaservinni taarsigassarsiniartarfinniluunniit taarsigassarsiarineqartussaamera eqqortumik paasinninnerua?
3. Kontomut pingaarnermut 89.72.12-imut, Taartaasussanik sanaartornermut tunngasumut, oqaasertaliussami nutaami nr. 1-imi allaassimavoq sanaartornermut akiusup 50 %-ia tikillugu ernialersugaanngitsumik akilersugaanngitsumillu Naalakkersuisut tunniussinnaagaat. Nammineerluni akiliutissat taarsigassarsiallu annerpaamik 10.725 kr.-iusinnaapput. 2010-mi aningaasanut inatsimmi taassuma procentia 2/3-iuvoq aningaasartaalu taamaallaat 10.000 kr.-iullugitk. Taakku assigiinnginnerannut suna pissutaava?

Kiisalu ataatsimiititaliap aalajangiinissaani isummernissamut tunngavissiaq nassiuqqartooq amigaateqartutut Aningaasaqarnermut Ataatsimiititaliamit isigineqarpoq, tassa suliaq pisariusup qanoq annertutiginera kingunerisassaalu isummernissamut tunngavissiami

taamaallaat killilimmik paasissutissiissutigineqarmata.

Aningaasaqarnermut Ataatsimiititaliap aalajangiinera

Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput**. Siuliani apeqqutinut Naalakkersuisut akissutaat kalaallisut danskisullu ullut 14- qaangiutsinnagit nassiuteqquneqarpoq qarasaasiakkullu nuutinnera uunga nassiunneqarluni: nch@ina.gl.

Aningaasaqarnermut Ataatsimiititaliaq sinnerlugu

Naaja Nathanielsen

Aningaasaqarnermut Ataatsimiititaliap siulittaasua